

陸道公全集 卷九


内閣文庫		
四八函	四〇九四號	漢書類
一四架	二冊	

内閣文庫		
三三函	四〇九四號	漢書類
二二架	二冊	

内閣文庫		
二〇六函	三八四五一號	和書類
二四架	一三冊	

内閣文庫	
番號	和 38451
冊數	12 (9)
函號	206 677

別集百八十五号 共十二



陸宣公集釋義卷之十七

漢文庫

日本尾張石川安貞著

制詔

貞元九年冬至大禮大赦制文苑大赦下有天下字

問下朕以寡德屬當大統皇天眷祐俾主兆人懼不克

承夙夜祗畏緬懷前烈致于昇平類思予心浩然罔知



攸濟小大之務曷嘗不勤芻蕘之言亦莫不敬慮每存

於致理志常在於恤入中宵屢興終食累歎一事垂張

文苑作弛怒焉疚懷怒詩箋一夫罹殃惻若傷體思與

海內同臻大和息其生業文苑作息其戰降心從衆實

匪有辭克已利人誠無所恡然以視聽有極思慮難周



况乎長自深宮安與陳本作於近習損益之理寧免過差幽

遠之情固多未達由是兢兢砥礪悔往修來燭理所患

於不明推心庶幾於無負日慎一日韓非初見臣聞戰

太公金匱日慎一日壽終無殃于今十有五年矣上靈降監多士叶誠

五稼屢豐四鄙不擾方鎮輯睦干戈底寧邊壘繕完殊

方欵附協天地會昌之運李善蜀都賦註河圖括地實

宗社無疆之休慶既荷於玄功禮有昭于大報矧惟霜

露之感永切孝思禮祭義霜露既降君子履之禋燎之

儀每勤精意書舜典禋于六宗周將申誠敬其在躬親

是與公卿大夫虔奉犧牲圭璧陳其文物薦其馨香類

秩於泰壇類秩書舜典類于上帝望秩于山川傳事類

秩次禮祭法燔柴於泰壇註泰壇圜丘泰者

尊之朝享于清廟率職來助萬邦攸同備物致嚴百禮

具舉誠慕獲展神人允諧明發永懷詩小宛明發不寐

至慶感斯集純嘏所錫詩閔宮天錫公純嘏豈惟朕躬

思俾普天均承惠澤可大赦天下貞元九年十一月十

日昧爽已前繫囚見徒大辟已下罪無輕重咸赦除之

其見於官文苑有辯對者亦竝赦免官人犯入已贓不

可令其却上已後勿以為累左降官及流人竝量移近

處其官已經量移未復資者還其階爵竄調陳作遐裔

冀速沾恩比者准制量移所司皆例申牒屢加盤覆累

涉歲年既甚淹遲且不均一宜令吏部刑部審勘檢本

流貶及量移勅旨比類元犯事狀輕重兩月內與處分

外文苑作文武見任及致仕家并諸軍諸使將士等三品已上賜爵一級四品已下加一階將百姓自置義倉仍准貞元元年十一月十一日制處分立入之道惟孝與忠孝莫大於榮親忠莫先於竭節惟爾師長卿校洎平方岳列藩保祐皇家交修庶績竭節之效既昭乃誠榮親之恩宜洽國典内外文武清望職事官并節度觀察都防禦都團練經略等使文獻通考唐正觀二父在未有官量授檢校五品官母在未有邑號者各封邑號父母已没者量與追贈已經追贈者更與改贈佐運之臣納忠之輔功既存於社稷慶宜及於子孫故周錫田詩江漢錫山土田于周受命自召祖漢傳帶礪漢高惠高

臣等

卷之十七

三

后功臣表封爵之誓曰使黃河如帶泰山若厲國以永存爰及苗裔註應劭曰帶衣帶也厲砥厲石也言如帶礪國尤永存以疇其爵邑與國終始以明報德之恩勸為臣之節其或年代未遠利澤猶存祠宇已變於荒墟

胤嗣不編於仕籍思其人猶愛其樹韓詩外傳邵伯在朝有司請營邱以

居邵伯曰嗟以吾一身而勞百姓此非吾先君文王之志也於是出而就蒸庶於阡陌隴畝之間而聽斷焉邵

伯廬於樹下百姓大悅其後在位者驕奢稅賦繁數百姓困乏於是詩人見召伯之所休息樹下美而歌甘棠

家語三怨孔子曰吾於甘棠見宗廟之敬况莫享之主也思其人必愛其樹尊其人必敬其位所以禮先賢

而不加省錄者乎興滅國繼絕代論語堯也修宗廟敬祀事所以教追孝也化俗歸厚此其大端

應九廟配享功臣及武德以來將相名節特高有封爵

廢絕祠廟無主者宜許子孫一人紹封以時享祀自今

陸宣公集

卷之十七

三

以後應有家廟子孫但傳襲封爵者並許享祔于廟其
有毀賣私廟及買之者各以犯教義贓論自古聖帝明
王忠臣烈士各命所在長吏以禮致祭書叙明目達聰
垂拱而理詩稱濟濟多士文王以寧舍已從人故能通
天下之志棄瑕錄用故能盡天下之才昔在太宗勤求
理道納諫如響任賢勿疑致俗於大平垂範於永代朕
獲承鴻緒追慕聖猷書之座隅常自儆勵朝夕翹想湯本
思庶聞嘉謀夢寐勞懷思得賢士凡厥在位所宜共成
諸司官有陳便宜者各盡所見條疏封進事有寬滯政
有闕遺悉當極言無或隱避詔勅不便於時者所司執
奏以聞天下有蘊德懷才隱居不仕委所在觀察使表

吳本習凡通

薦當以禮邀致諸色人中賢良方正能直言極諫或博
通墳典達於教化或詳練故事長於著述或精習律令
曉暢法理或該明吏術可委理人或洞識韜略六韜三略也
堪任將帥者委所在州府長吏及臺省常叅官詳錄行
能舉奏並限來年七月內到京朕當親試應緣大禮掌
職行事伏內引駕攝將軍中郎郎將留守副留守并諸
道表狀陪位法駕三引官等三品已上更賜爵一級四
品已下加一階其郊壇宮廟行事官仍各賜勳兩轉皇
親諸親應陪位者三品已上賜爵一級四品五品加一
階六品已下及常選官至選日優與處分白身人及諸
色應陪位官等各賜勳兩轉親王大長公主郡主縣主

賜物各有差鄰公介公各賜物若干段行事室長掌坐
 齋即禮生贊者各減一年勞無勞可減者至簡選日優
 與處分崇賢館學生減策一道國子監學生陪位者及
 應緣祇應諸司作官直長長上流外要職掌內侍省白
 身內侍省掌內諸州行細考典集覽細典主漕兩京耆
 壽諸色番役當上在城并量留十月番人等各賜勲一
 轉鴻臚番客唐百官志鴻臚寺掌賓客及凶儀之事凡
位應劭曰鴻臚傳之也共賜物若干神策六軍英武威遠皇城金
 吾街使諸軍諸使將士應緣大禮宿衛御樓立仗及守
 本庫本營者共賜物若干端匹天下耆老百歲已上者
 各賜錦帛五段米五碩八十已上及鰥寡惇獨不能自

存者委刺史縣令各加優恤應緣大禮加階及賜勲爵
 等申報叙奏期限並准貞元六年十二月二日勅處分
 餘依常式所司不須更作條件赦書日行五百里布告
 遐邇咸使聞知

蝗蟲避正殿降免囚徒德音

夫人事失於下則天變形於上咎徵之作必有由然自
 去歲已來災沴仍集雨澤不降延歷三時蟲蝗既臻彌
 亘千里穀糶翔貴漢食貨志穀賈翔貴師古曰翔稼穡
 卒瘞嗷嗷烝人聚泣田畝興言及此實所痛傷徧祈百
 神曾不獲應方悟禱祀非救患之術言詞非謝謹之誠
 憂心如焚深自刻責得非刑法外謬忠良鬱埋暴賊未

蠲勞師靡息事或無益而重為煩費任或非當而橫肆
 侵蠹有一於茲足傷和氣本其所以罪實在予百姓何
 辜重罹殍餒所宜出次貶食節用緩刑側身增修以謹
 天戒朕避正殿不御百寮奏事並於延英處分尚食進
 膳宜更節減百司不急之務一切且除諸軍將士外自
 餘應食官糧人及諸色用度等並委本使長官商量權
 行停減以救荒饑仍限十日內具元額及所釐革條件
 聞奏待至豐稔却令依舊畿內百姓委京兆尹切加慰
 撫除正稅正役外徵科差遣並宜禁絕非交相侵奪尋
 常訴訟不宜追擾務且息人京畿內外及京兆府諸縣
 見禁囚徒死罪降徒流已下一切放免畿內及河中同

州界應有因戰陣殺戮遺骸暴路者各委所在長吏隨
 事埋瘞咨爾卿佐實惟股肱所當一其誠心同恤災患
 勉修厥職副我憂勤

誅李懷光後原宥河中將吏并招諭淮西詔

自昔哲王以道化下不竭物以克欲不勞人以樹威億
 兆之心如戴父母兵革不試四方來同苟或昧於德綏
 務以力勝士旅疲耗烝黎困窮幸以成功豈云有補李
 懷光久從戎旅頗著勤勞拔於等倫授以旄鉞唐叛臣
罷子儀副元帥以所部兵分諸將故懷光為寧慶晉絳
慈隰等州節度使與朱泚討劉文喜平之徒朔方節度
 使誓師河朔奔難奉天有夷兇嫉惡之誠有弭患釋圍

之績帝狩奉天懷光率所部奔命方雨海奮厲軍士倍
道進敗泚軍於醴泉遣裨將張韶以蠟勸表隨賊

書甲目
底不類傳
類善也

攻城呼壘呼曰我胡方使也繼而上比登身被數十矢
時帝被圍急聞之喜印持節大號城上人心乃安又敗
賊於魯店俾介元帥仍升上台加副元帥秉心匪爨自
解圍去

底不類怙衆貪亂附姦脅君朕用再遷幾危宗廟通鑑
四年十一月紀李懷光性粗疎數與人言盧杞趙贊白
志貞之姦佞曰吾見上當請誅之杞懼從容曰懷光勲

業社稷是賴賊徒破膽皆無守心若使之乘勝取長安
則一舉可以滅賊今聽其入朝必當賜宴留連累日使
賊入京城得從容成備恐難圖矣上以為然詔取長安

懷光自以數千里竭誠赴難咫尺不得見天子意殊快
快曰吾今已為姦臣所排事可知矣唐逆臣傳韓游瓌
將兵衛奉天懷光約令為變游瓌以聞又遣將趙升鸞

謀於奉天升鸞告渾瑊瑊洎股肱宣力賊泚就誅率土
白發其姦請帝決幸深州

之人咸懷奮擊朕獨排羣議未忍加兵命復官封志期
陳本全貸唐太子太保許其麾下而乃昏迷不返悖慢逾
彰殘害使臣唐孔子巢父傳李懷光素服待命巢父不止通鑑

懷光左右多胡人皆歎曰太尉無官矣巢父又宣言於
衆曰軍中誰可代太尉領軍事者於是懷光左右發怒

誼謀殺巢父侵敗畿甸密邇京邑人愁無聊諭之不悛乃用
致討上帝悔禍元臣叶謀克集茂勲以夷大難渠魁授

首唐叛臣傳帝以馬燧威名白著拜副元帥與渾瑊駱
元光韃游瓌唐朝臣會兵進討燧拔絳州諸軍遂圍

河中貞元元年八月朔方獻餘衆華心制勝以謀兵無
將牛名俊斬懷光傳首以獻

血刃雖事非獲已義在救人而本其所由情深罪己蓋
以信誠未著撫馭或乖至使功臣陷於誅戮謂之克敵

寧不愧心然以懷光一家法當殲戮念其昔居將相嘗
寄腹心罪雖掛於刑書功已藏於王府以于紀之跡家
刑解坐于固合滅身以赴難之勲所宜有後非常之澤
國之紀

俾洽幽明雖屈爨章庶旌徃效大夫君子無我有尤詩
陸宣公集 卷之十七 七

馳宜以懷光一男為嗣賜莊宅各一所聽任京城仍還
 懷光首級及屍任便收葬其妻及諸子孫在室女等並
 送澧州委李臯逐便安置使得存立其出嫁女及諸
 親戚並宜釋放應先陷河中將士等皆嬰迫脅無路申
 明多是朔方舊人素蘊忠義并幽州涇原將士頃被朱
 泚脅從收京之時奔竄在彼究其本末情有足矜况能
 協力同謀舉城歸順錄其成效咸與惟新宜一切洗雪
 勿為瑕累先有官爵實封者並許仍舊其中首謀効順
 事績著明者委副元帥條件聞奏別加甄獎河中及同
 州絳州百姓並經陷賊又久屯軍骨肉流離生業廢棄
 興言軫念楚辭涉江出國門而軫懷兮註軫痛也良用惻然宜各給復一

年京兆府奉先美原等縣緣與同州接近隨便供運杼
 軸既繁流亾頗衆委京兆尹卽量事優恤條件聞奏仍
 加招輯使各安存河中保義軍保寧軍節度使并管內
 諸軍行營兵馬副元帥河中保寧等軍節度度支營田
 觀察處置等使銀青光祿大夫漢書註光明也祿爵也通典優寵者則曰銀章
 青綬至魏晉則又加金章紫綬貞觀以後唯曰光祿大夫為文散官檢校司徒唐百官志
 司空各一人是為三公佐天同中書門下平章事通典
 侍中中書令是真宰相其餘以他官參掌者無定負但
 加同中書門下三品及平章事參知機務參與政事及
 宰相亦漢行丞相事之例也兼太原尹北都留守唐地理
 都在河東天授置北平郡王燧惟獄降生詩嵩高維嶽降
 上元罷肅宗復

為時傑奉上勵匪躬之節訓師懷盡敵之謀略地無遺

攻城必拔發揚以威強寇感激而服叛徒嘉謀屢聞能
事異備朔方河中同絳陝虢汴等州及管内諸軍副元

帥河中絳州節度觀察處置等使開府儀同三司魏黃

權以車騎將軍開府儀同三司開府之名自此始又後漢建初三年始使車騎將軍馬防班同三司三司之名

自此始也行侍中通典凡正官皆稱行守其階高而官卑者稱行階卑而官高者稱守官階同者並無

兼河中尹咸寧郡王瑊鑒識精明字量弘博秉義

率眾推誠待人堅制不奪之心亟陳必勝之略輯睦士

旅安慰流庸盛德克彰崇功允集惟乃二帥一其誠心

奉行天誅同獎王室左傳襄十一年有崇讓之美晉劉

寔以時俗喜進趣有禁暴之能左傳宣十二年元惡既

除全城底定是加寵命以答崇勲燧可兼侍中仍與一

子五品正員官并階餘並如故瑊可檢校司空仍與一

子五品正員官并階餘並如故華州潼關鎮國軍節度

使開府儀同三司檢校右僕射并華州刺史上柱國唐

官志勳級十有二轉為上柱國視正二品十有一轉為上柱國視從二品武康郡王駱元光

邠寧慶等州刺史御史大夫上柱國許昌郡王韓遊瓌

鄜坊丹延等州節度觀察使檢校兵部尚書兼御史大

夫上柱國東平郡王唐朝臣等並節著艱危功成討伐

鎮于衝要隱若長城宋檀道濟傳道濟見收脫憤投取地曰乃復懷汝萬里之長城

彼兇殘書秦誓文進無堅陣比義同德廓清方隅宜增食于

真封且延榮於胤子可各賜實封二百戶仍與一子六

品正員官并五品階餘並如故應諸道諸軍同討懷光

將士等一自征役淹歷歲時被服干戈略無寧息賴茲
勤効是有成功宜並賜三十萬端匹以克宴賞仰度支
卽般次送赴並各放歸本道仍令所司叙錄卽超資與
改轉其中大將及功效殊尤者委所司速具名銜聞奏
先與處分其先在河中將士亦宜依例賜錢宴賞如本
是奉天定難功臣准條合給賞者度支卽排比支付嗚
呼自國家多難一紀于茲朕嗣位七年連兵五載追惟
往事悔恨于懷今一孽旣誅諸方甫定哀彼淮右獨爲
匪人詩何草不黃哀我其帥不恭其衆何罪書大禹謨
是據左傳僖十三年其朕晨夕惕慮念之甚詳罷征討
君是惡其民何罪文則阻命止於數州窮戰爭則流禍及於天下利病之勢

較然相懸俾入罹殃寧我忍耻今勲賢列鎮疆理有經
縱未偃戈足以保境况天地之大無所不容豈令是邦
猶隔朝化因茲大慶使洽鴻恩諸道應與淮西接連宜
且各守封境非被侵軼不須進討仍委所在長吏明加
招諭宣布朕懷李希烈若能歸降待以不死其餘將士
官吏百姓等一切並與洗滌與之更新先有官封亦皆
仍舊如能去逆効順因事建功理當甄升以示褒勸其
所以優賞科條並准前勅處分朕思與海內去危圖安
有過自新雖大必有朗陳本然明信彰示兆人期爾庶
邦自求多福無有遠邇咸使聞知

誅李希烈後原宥淮西將士并授陳仙奇節度

詔

反易天常左傳哀六年夏書曰惟彼陶唐悖違人紀伊

訓王肇修人紀孔傳細紀衆之所棄同或逃誅李希烈蔑義背恩窮

姦極暴謂神器可以力取謂生靈可以詐欺志在兇殘

躬行僭竊罪無與比法實難容以君德不修致入於禍

究其端本過實在予不忍烝黎重相攻戰屢施詔命務

欲懷柔抑羣師奮發之誠駐諸軍討逐之勢不憚屈已

期於息入希烈曾無悛心益逞驕志虐毒滋甚吞噬無

厭惡貫既盈泰誓高罪貫盈疏紂之貫自底夷滅開府儀

同三司御史中丞臨漳郡王陳仙竒忠勇有餘沉毅能

斷據闔境受汚之憤導二軍思順之心唱義一呼羣情

響附廓清氛稜殲渠魁驛書上聞函首入獻唐李希

烈勢日以蹙縮氣不敢搖啖牛肉而病親將陳仙竒陰令

醫毒之以歿希烈子不發喪欲悉誅諸將乃自立仙竒

率兵謀而入子出徧拜曰請去帝號如淄方隅既乂治

青語已斬之希烈并妻子七首獻天子役戍其休懸賞之科是宜必信其以仙竒為檢校工部

尚書唐百官志工部尚書掌山澤屯兼蔡州刺史御史

大夫克淮西節度仍賜實封五百戶應淮西管内將士

官吏百姓等頃迫兇威遂從脅制既誅元惡俱是平人

除李希烈一家其餘並准前後赦勅原放更無所問其

將士等或本屬平盧或久鎮淮右素推忠義累著勲庸

果能叶志同謀輸誠奉順以茲節效良有可嘉委仙竒

卽以諸色官錢優與宴勞其中首建謀議同斬希烈人

等宜並條錄聞奏節次褒賞比年以來有潛圖效順節
義著明計或未行為賊屠害者亦當審加訪察具事績
以聞如有子孫仍並錄名聞奏百姓等久經淪陷兼被
傷夷遐想凋殘實足哀憫除供當道軍用外宜給二年
應被希烈差點兵馬及團練子弟並即放散其本額將
士之中有不樂在軍願歸農業者委節度刺史量給
死戶田宅并借貸種糧優給復終身使之存濟宜令尚
書左丞鄭叔則克淮西宣慰使嗚呼往欽哉自希烈叛
命于今五年上澤不通下情亦阻所宜宣我信令以釋
危疑敷我惠和以慰疲瘵滌清汚俗咸與惟新底難一
方以稱朕意

重原省淮西將士詔

唐吳少誠傳少誠殺陳希
仙衆共推少誠德宗因授

申蔡光州節度觀
察此詔恐在此時

乃者希烈亂常阻兵竊號汚脇士衆殘虐烝黎朕志在
好生誠深罪已爲人受恥不忍加兵惟茲一軍代著忠
節果殲元惡不替舊勳詢於衆情就拜戎帥人亦勞止
期於小康旋乖卹下之方重致喪身之禍由朕薄德俾
人不寧撫臨萬邦且愧且悼猶賴將校士旅秉其誠心
邦人不驚軍部無撓以茲節效良有可嘉所宜慰安俾
洽寬澤應將士吏人承前所有諸過犯罪無輕重一切
釋放曠然昭洗咸與惟新其有先請受庄宅財物者各
以見管爲主將士衣賜節料并家口糧賜等一切並准

陸宣公集釋義卷之十七
舊例以時給付不得停減先令優與賞設亦准元勅處
分務令豐厚以稱朕懷仍加曉諭各委知悉

陸宣公集釋義卷之十七 終

陸宣公集釋義卷之十八

日本

尾張

石川安貞

著

制誥

賑恤諸道將吏百姓等詔

國之經制儲蓄備災雖遇凶年人無菜色時或弛征散
利務稽勸分徙有以均無因豐而補敗救患之術抑其
次焉自茂役繁興兩河尤極農桑日費井邑爲墟丁壯
服其干戈疲羸委於溝壑傷夷未復荒饑荐臻歷河朔
而至於太原自淮沂而被于洛汭蟲螟爲害雨澤愆時
稼穡瘁瘵丞黎重困然由徵賦不息征役未寧凍餒流
離寄命無所興言感悼焚灼于懷朕聞刑罰失中虐浚

斯作致咎之本在予一人記玉藻天子自稱曰予一人百姓何辜遭

罹其弊兢兢惕息不敢違安度蠲下土之災用答上天

之戒其宣武等軍宋亳陳州等節度淄青等州節度河

陽懷州節度東都畿汝等州節度潞美軍澤潞磁邢等

州節度保寧軍節度成德軍恒深趙等州節度易定等

州節度每管各賜米五萬碩所司即般運都於楚州分

付各委本道差官受領賑給將士百姓等務令均洽以

惠困窮屬軍費方殷國儲尚歉今所賜賑給其數非多

猶慮孤惻或未周贍穀價翔貴何能自資江淮之間連

歲豐稔迫于供賦頗亦傷農收其有餘濟彼不足允乎

發斂之術且叶變通之規宜令度支於淮南浙江東西

等道量置場加價和糴米三五十萬碩差官般運於諸

道減價出糴貴從權便以利於人無或勞煩重予不德

方岳守將實朕股肱卹惠分憂與朕同體宜即遣使分

道宣慰勞勉將士省問鄉閭有可以救歲之凶災除人

之疾苦各與本道節度使商議具以聞奏必精必詳用

稱朕意

優卹畿內百姓并除十縣令詔

朕以薄德託於人上勵精思理期致雍熙鑒之不明事

或乖當百度多闕四方靡寧傷夷未瘳而征役荐起流

亡既甚而賦斂彌繁人怨聞上天災降下連歲蝗旱蕩

無農收惟茲近郊遭害尤甚豈非昊穹作沴深徹予衷

踣踏憂慚固知攸措今穀價騰踊人情震驚鄉閭不居
骨肉相棄流離殞斃所不忍聞公私之間廩食俱竭既
無賑恤猶復徵求財殫力疲繼以鞭箠弛征則軍莫之
贍厚歛則人何以堪念茲困窮痛切心骨思所以濟浩
無津涯補過實在於增修左傳襄十三年增修德而改卜救患莫如於
息費致咎之本既由朕躬謝譴之誠當自朕始宜令尚
食每日所進膳各減一半官人等每月惟供給糧米一
千五百碩其餘悉皆停省年食支酒料宜減五百碩飛
龍廐馬從今已後至四月三十日已前並減半料京兆
府百姓應差科徵配及和市和糴等諸色名目事無大
小一切並停公私債負容待蠶麥熟後徵收百司非至

切之務如追擾百姓及追勘徵收等色府縣並不須承
受其尋常訴訟非交相侵奪者亦不得爲理百姓及諸
色人等如能力行仁義均減有無賙貸貧人全活數衆
者府司具事跡聞奏朕當授以官秩蠲其征徭如縣令
勸導有方流庸克濟至夏初以來類例勘會但戶口無
減田疇不荒亦以狀聞量加優獎百姓有迫於荒饑全
家逐食者其田宅家具樹木麥苗等縣司並明立簿書
印記令所由及近隣人同檢校勿容輒有毀損及典賣
填納差科本戶却歸使令復業夫致理之本必在於親
入親人之任莫切於令長導王者之澤以被於下求瘼
人之瘼以聞於朝得失之間所係甚大且一夫不獲辜

實在予况百里之安危萬人之性命付以長吏豈容易哉今甸内凋殘亦已大甚每一興想盡然傷懷非慈惠不能卹疲疝非才術無以賑艱食書益搜奏庶艱食鮮食傳難得食臺郎御史選重當時得不分朕之憂救人之弊昨者詳延羣彥親訪嘉猷尚書司勳員外郎唐百官志掌實申等十人咸以器能理道精心究烝黎之疾苦知教化之宗源輟於周行往洺通邑申可長安縣令鄭珣瑜可檢校吏部員外郎兼奉先縣令韋武可檢校禮部員外郎唐百官志掌禮樂學校衣冠符印表疏圖書冊數兼昭應縣令命祥瑞鋪設及百官官人喪葬贈賻之數賈全可咸陽縣令兼監察御史唐百官志掌分察百寮王倉可檢校禮部員外郎兼昭應縣令唐百官志掌分察百寮李會可整屋縣令兼監察御史王倉可檢校禮部員外郎兼奉先縣令韋武可檢校禮部員外郎兼昭應縣令

校禮部員外郎兼昭應縣令李會可整屋縣令兼監察御史荀曾可三原縣令兼侍御史李緄可富平縣令兼殿中侍御史唐百官志掌殿其有散官封賜者並如故應畿内縣令俸料宜准常祭官例均融加給涇陽縣令韋滌潔己貞明處事通敏有禦災之術有字物之方人不流亡事皆辨集惟是一邑之内獨無愁怨之聲古之循良何以過此就加寵秩允叶前規可檢校工部員外郎唐百官志掌城兼本官仍賜緋魚袋唐車服志隨身賤應召命左二右一左者進内右者隨身皇太子以玉契召勘合乃赴親王以金庶官以銅題其位姓名官有貳者加左右皆盛以魚袋三品以上飾以金五品以上飾以銀景雲中詔衣紫者魚袋以金飾之衣緋者以銀飾之并賜衣一襲絹百匹馬一匹鳴呼積行在躬雖微必

著咨乃疲尹其惟欽哉朕聞為君者必擇人而官為臣者用擇官而處弛張繫於理不繫於時升降在乎人不在于乎位朕方抑浮華以敦教稽言行以進入非次之恩以待能者彰善黜惡期於必行凡百君子各宜自勉

優復興元府及洋鳳等州百姓詔

優上吳本有重字

朕巡狩山南自春涉夏師旋殷會日費既廣州間杼軸歲計其空東作妨時西成罕望雖黽勉從事人不告勞而憫悼積衷予實知愧昨者減其租稅優以復除庶乎有瘳汔用小息泊駕言旋軫躬履良途絕礪縈迴危棧綿亘時經霖雨道阻且修工徒造切詩大明造舟為梁箋天子造舟李巡云北其舟而渡曰造舟縣人募路靡幼靡耄莫獲寧居而又齎負

糗糧其一作供備頓舍涉於千里飲我六師居人露處以罔依宿麥過時而不獲覩茲妨奪彌增感傷前所復除未足酬郵式敷惠澤以紓大勞其興元府除先優復外宜更給復二年鳳州全放今年稅其興元府鳳州界內知頓及修道路閣橋州縣官將士等並委嚴震類例功效具名聞奏量與甄獎嗟乎古先哲王東征西怨書仲西夷怨顧予不德重以勞人補費錄勤是有申命長吏明加優諭稱朕意焉

議減鹽價詔

三代立制山澤不禁天地材利與人共之王道寢微強霸爭鶩於是設祈望之守左傳昭二十一年海之鹽蜃與祈望守之註祈望官名也

教馬

推管之法以佐兵賦鹽鐵論商君相秦也設百倍之利收山澤之稅國富民強征敵伐國

攘地斥境筦管鹽鐵也以寬地征公私之間猶謂兼澤歷代遵用

遂為典常自頃寇難存與已三十載服干櫓者農耕盡

廢居里間者杼軸其空革車方殷軍食屢調人多轉徙

田畝汗萊乃專煮海之利以為贍國之術度其所入歲

倍田租近者軍費日增推價日重至有以穀一斗易鹽

一升本末相踰科條益峻念彼貧匱何能自滋五味失

和百疾生害以茲天斃實為痛傷嗚呼朕丕承列聖之

緒遐覽前王之典既不克靜事以息用又不獲弛禁以

便人征利滋深疲疇至困予則不恤其誰省優應江淮

并峽內權鹽宜令中書門下及度支商議裁減估價兼

人必稱朕意

釐革利害速具條件聞奏削去苛刻止塞姦訛務於利
人必稱朕意

賜京畿及同華等州百姓種子賑給貧人詔

春陽布和萬物暢茂實兆庶樂生之日農夫致力之時

今茲吾人則異於是迫以荒饉愁怨無慘玉篇有離去

井疆業於庸保有乞丐途路困於死亡鄉閭依然烟火

斷絕種餉既乏農耕不興若東作憊時西成何望為人

父母得不省憂雖國計猶虛公儲未贍濟人之急寧俟

盈豐釐其有無庶拯艱厄京兆府百姓並宜賜種子二

萬碩同華州各賜三千碩陝虢兩州賜四千碩委州長

吏即與度支計會請受差公清仁恤之吏與縣令親至

村閭隨便給付仍加勸課勿失農時應諸倉所有遠年粟麥宜令節度更分二萬碩京兆尹卽差官逐便般載賑賜貧人先盡鰥寡孤惻目下不濟者務令均給全活流庸嗚呼朕德之不敷誠之不感上帝降格丁寧厥躬元元何辜漢文帝紀全天下元元罹此災害思欲拯救之民師古曰善意也未知其方長入之官寄任斯重所宜極慮與我同憂勉敷惠和以育疲瘵佇聞良術稱朕意焉

賜將士名奉天定難功臣詔

國家受天明命平一字內自武德迄於天寶百四十載海內無事崇德廣化澤浸生人時洽和平俗登富教鰥寡孤獨咸得其所鳥獸魚鼈亦罔不寧凡今有生實賴

亭育羯虜伺間盜起幽燕率土之人莫保性命肅宗以神武戡大難先朝以仁德紹興運區域再造億兆再康室家離析而復安子孫煦嫗而相長勞來安集垂三十年則我列聖之於天下惠澤深矣朕以寡昧祗膺寶曆常恐不克負荷左傳昭七年其父析薪其子弗克負荷罔敢怠荒道有未明事多乖謬羣情壅而不達大信鬱而不彰兩河之間羣盜連禍朕務除大患靡憚暫勞是以興有征之師問干紀之罪昨以徑原士徒將赴汝郊失於撫綏致使潰叛朱泚乘釁因構異圖肆其狼心誘我蠢賊左傳成十三年帥我無所愧畏朕失守宮闕出次郊圻九廟震驚萬姓奔駭

註蠢賊以來蕩搖我邊疆謂君可叛謂天可欺縱恣凌悖

內省思咎外顧懷慚罪實在予不敢自蔽意者宗社降
祐大倣於朕躬夙夜殷憂庶乎有補實賴股肱心膂勵
從戎之節方岳將校集勤王之師赴難如歸見危思奮
堅貞利操何日忘之平巨猾者必仗羣雄賞茂績者不
限彝典保勳庸於帶礪傳爵邑於子孫崇功美名與國
終始其諸軍使應到奉天縣將士等宜並賜名奉天定
難功臣食實封者子孫相繼代代無絕身有過犯遞減
罪二等子孫有過犯遞減罪一等當戶應有差科徭役
一切蠲免其功臣已後雖衰老疾患不任軍旅者當分
糧賜等並與全給身死之後回給家口十年勿絕如有
能梟擒朱泚者即以朱泚在身官爵授之仍加實封二

千戶朱泚所有田宅財物悉並充賜其梟擒賊大將已
下并節級特加優寵仍各與實封應梟擒人所有田宅
財物亦使賜之其餘立功應合授官給賞並準今年七
月勅處分其今日已前身死王事者追贈官爵亦稱奉
天定難功臣子孫為功臣之家應合襲封減罪蠲免差
役等一切同例宣告中外令知朕懷建中四年十一月
二十三日

改梁州為興元府升洋州為望州詔

自昔多虞順時而動古公避狄兆永祚於岐下高帝徙

蜀建雄圖於漢中

項羽立沛公為漢王張良說漢王燒

軍糧食引兵襲雍遂并關中王蹟所興子孫是奉觀遷

終以滅羽事見于漢高祖紀

居於遐阻知致君之艱難矧天下為家不常厥邑此句

庚王者所至四方會同公羊傳王者無外穀梁崇號設

都於是乎在朕遭罹寇難播越梁岷烝庶頌於供億武

徒勤于扞衛凡百執事各奉厥司人皆競勸物以豐給

嘉乃成績予懷不忘今大憝已除京邑甫定將旋法駕

展敬園陵眷于是邦復我興運宜其崇大以示將來古

者天子省方則問百年記王制觀諸侯問卹百姓以頒

慶賜以茂勲勞用弘布澤之恩式慰來蘇之望宜改梁

州為興元府其署置官資望一切與京兆河南府同南

鄭縣升為赤縣諸縣並升為畿縣見在州縣官各令終

考秩至考滿日放選依本資處分耆壽與板授五品官

仍並賜緋先已賜緋並賜紫典正等各賜勲五轉百姓

除先減放稅錢外更給復一年洋州宜升為望州見任

州官亦並令終考秩并諸縣官等各減兩選無選可減

者各加三階應山南西道節度下將士除扈從迎駕已


經改官者餘並即與甄叙嗚呼古先哲王東征西怨顧

予不德重于勤人撫心咎已良增愧嘆宣示有眾明知

朕懷

陸宣公集釋義卷之十八終

國史文獻通考卷之八十八



言不勝言下其人其心必已有所謂矣... 示不勝其... 言不勝言下其人其心必已有所謂矣... 示不勝其... 言不勝言下其人其心必已有所謂矣... 示不勝其...

